



Broj: 02-20-2988 /23  
Goražde;20.07.2023. godine

Na osnovu člana 36. Statuta Grada Goražda, („Službene novine Grada Goražda“, broj:5/18) Gradonačelnik Grada Goražde donosi:

## **PRAVILNIK**

### **O KRITERIJIMA I NAČINU DODJELE GRANT SREDSTAVA ZA PODRŠKU EKONOMSKI UGROŽENIM KATEGORIJAMA NA TRŽIŠTU RADA**

## Sadržaj:

<b>1. OPŠTE ODREDBE</b> .....	3
<b>2. PREDMET PODRŠKE</b> .....	3
<b>3. CILJNA GRUPA KORISNIKA PROGRAMA PODRŠKE</b> .....	3
<b>4. KRITERIJ ZA UČEŠĆE I DODJELU SREDSTAVA ZA POKRETANJE/UNAPREĐENJE VLASTITOG BIZNISA</b> .....	4
4.1. Podrška pri kreiranju poslovne ideje.....	4
4.2. Kriteriji za vrednovanje poslovnih ideja .....	5
4.3. Podrška pri unapređenju i registraciji biznisa.....	7
4.4. Način bodovanja.....	8
<b>5. NAČIN DODJELE PODRŠKE</b> .....	11
<b>6. VREMENSKI TOK</b> .....	12
<b>Prilog I. Tekst Javnog poziva</b> .....	12
<b>Prilog II. Prijavni obrazac</b> .....	
<b>Prilog III – Izjava o tajnosti čuvanja podataka</b> .....	
<b>Prilog IV. Izjava o sprečavanju sukoba interesa</b> .....	
<b>Prilog V. Odluka o imenovanju Komisije za procjenu poslovnih ideja i planova</b> .....	
<b>Prilog VI. Obrazac za vrednovanje poslovnih ideja</b> .....	
<b>Prilog VII. Odluka o odabiru poslovnih ideja</b> .....	
<b>Prilog VIII. Obrazac za vrednovanje poslovnih planova</b> .....	
<b>Prilog IX Odluka o vrednovanju poslovnih planova</b> .....	

## 1. OPŠTE ODREDBE

Ovim pravilnikom uređuje se način procjene i izbora kandidata u cilju poboljšanja stanja ekonomski ugroženih kategorija na tržištu rada.

Kandidati koji će biti podržani su fizička lica, novoosnovane firme i postojeće firme koje mogu poboljšati stanje ekonomski ugroženih kategorija na tržištu rada.

## 2. PREDMET PODRŠKE

Cilj podrške je:

- Pružanje podrške socijalno ugroženim kategorijama stanovništva da pokrenu ili poboljšaju ekonomske aktivnosti (povećanje poduzetničkog duha među ranjivim kategorijama)
- Pružanje pomoći ugroženim kategorijama stanovništva prilikom pokretanja vlastitog biznisa (povećati broj obrtničkih radnji i preduzeća)
- Pružanje pomoći postojećim biznisima koji žele proširiti obim poslovanja i zaposliti ranjive kategorije sa tržišta rada (povećati broj zaposlenih i poboljšati socioekonomsku situaciju)

Podrška uključuje:

- a) **Podršku pri izradi biznis plana;**
- b) **Podrška za povećanje ekonomske aktivnosti;**
- c) **Podrška pri unaprijeđenju i registraciji biznisa** - najbolje biznis ideje/biznis planovi za pokretanje/unaprijeđenje biznisa će dobiti finansijsku i savjetodavnu podršku za rad;
- d) **Podrška postojećim biznisima koji žele zaposliti ekonomski ugrožene kategorije na tržištu rada** – podrška za unapređenje njihovog biznisa;
- e) **Podrška pri vođenju biznisa** - podržani biznisi će nakon obuke dobiti mentorsku podršku iz specifičnih oblasti potrebnih za održavanje uspješnog biznisa i kreiranje dodane vrijednosti (marketing, upravljanje ljudskim resursima, nabavke, formiranje cijena i sl.).

## 3. CILJNA GRUPA KORISNIKA PROGRAMA PODRŠKE

Pravo na učešće u programu podrške imaju punoljetne osobe koje:

- Žele unaprijediti svoju ekonomsku aktivnosti,
- Žele registrirati biznis ili domaćinstvo/gazdinstvo,
- Imaju već postojeći biznis, čije poslovanje žele unaprijediti te doprinijeti razvoju regije i novim zapošljavanjima.

Prednost za sudjelovanje u programu podrške, će imati:

- Nezaposlene žene, bez obzira na dob
- Mlade nezaposlene osobe do 35 godina
- Nezaposlene osobe sa invaliditetom
- Domaćinstva sa jednim roditeljem ili
- Domaćinstva sa više od 1 nezaposlenog člana
- Pripadnici nacionalnih manjina
- Kandidati koji su prošli prvi krug programa ali nisu dobili podršku zbog ograničenih sredstava.

Poželjno je da kandidati imaju:

- Visok nivo motivacije za pokretanje samostalnog biznisa
- Određeni obim vlastitih sredstava za poslovanje
- Obrazovanje za iste ili slične poslove
- Radno iskustvo na istim ili sličnim poslovima
- Sposobnost analitičkog razmišljanja i definisanja jasne poslovne ideje


## 4. KRITERIJ ZA UČEŠĆE I DODJELU SREDSTAVA ZA POKRETANJE/UNAPREĐENJE VLASTITOG BIZNISA

Osobe zainteresirane za razvoj poslovne ideje i pokretanje/unapređenje vlastitog biznisa, mogu se prijaviti putem namjenski dizajniranog Obrasca za sudjelovanje u programu, do datuma definisanog u javnom pozivu. Program podrške će se realizovati tokom 2023. godine.

Kandidati, čija prijava bude prihvaćena, dobiće priliku da učestvuju u programu podrške, u okviru kojeg će steći znanja neophodna za razradu poslovne ideje i kompletiranje poslovnog plana.

Komisija za procjenu će, u skladu sa definisanim kriterijima, izabrati najbolje poslovne planove, čiji nositelji će dobiti finansijsku i savjetodavnu podršku za poboljšanje ekonomske aktivnosti, osnivanje/unaprijeđenje i razvoj biznisa.

U nastavku je dat pregled glavnih faza i kriterija, a detaljniji koraci i kriteriji su predstavljeni u ostatku dokumenta.



### 4.1. Podrška pri kreiranju poslovne ideje

Grad Goražde će raspisati javni poziv (tekst u prilogu 1). Prijave se podnose putem prijavnog obrasca i predaju se na protokol gradske uprave ili na kontakt e-mail.

Prijavni obrazac je dostupan u prilogu 2.

Na osnovu prijavnog obrasca, komisija će izvršiti odabir učesnika za prvu fazu tj. podršku pri kreiranju poslovne ideje (obuku).

Obuka se sastoji od slijedećih modula (uključujući praktičan rad na izradi biznis plana):

- I.1 Plan poslovanja - uvod
- I.2 Konsolidovanje poslovne ideje
- I.3 Plan marketinga
- II.1 Zapošljavanje
- II.2 Organizacija i upravljanje
- II.3 Nabavka
- II.4 Utvrđivanje troškova proizvoda i usluga
- II.5 Finansijsko planiranje
- III.1 Početni kapital
- III.2 Dorada plana poslovanja

I dva samostalna praktična zadatka: priprema plana marketinga i priprema finansijskog plana.

#### 4.2. Kriteriji za ocjenu poslovnih ideja

Kriteriji za odabir poslovnih ideja, odnosno poslovnih planova su jedina mjerodavna osnova za ocjenjivanje prijedloga podnesenih od strane zainteresiranih kandidata. Pristigle prijave će ocjenjivati komisija za procjenu poslovnih ideja, služeći se navedenom šemom.

OPIS	KRITERIJI	BODOVI	IZVOR
<b>Obavezni kriteriji</b>	<ul style="list-style-type: none"> <li>- Prijavljena osoba ima prebivalište na području Grada Gorazde;</li> <li>- Prijavni obrazac dostavljen na vrijeme;</li> <li>- Prijavni obrazac adekvatno popunjen;</li> <li>- U cilju izbjegavanja nelojalne konkurencije, prijedlozi za pokretanje slijedećih vrsta biznisa će biti automatski eliminisani:</li> <li>- prijave koje nisu u skladu sa zakonom, podrazumijevaju aktivnosti u sivoj/crnoj zoni, u kojima je nejasno gdje i kako se nabavljaju sirovine , već su podržane od CaCh ili drugih donatora, odnose se na ugostiteljski sektor, te aktivnosti: opremanje apartmana ili kuća za turiste, te koji zahtijevaju režijske troškove (renta/režije/plate) će automatski biti isključeni</li> </ul>		Prijavni obrazac
<b>Posebni kriteriji</b>	<p>Pripadnost ciljanim kategorijama:</p> <ul style="list-style-type: none"> <li>• Nezaposlene žene, bez obzira na dob</li> <li>• Mlade nezaposlene osobe do 35 godina</li> <li>• Nezaposlene osobe sa invaliditetom</li> <li>• Domaćinstva sa jednim roditeljem, ili sa više od 1 nezaposlenog člana</li> <li>• Pripadnici nacionalnih manjina</li> </ul> <p>Resursi i motivacija za pokretanje vlastitog biznisa</p> <ul style="list-style-type: none"> <li>- Formalno ili neformalno obrazovanje za iste ili slične poslove</li> <li>- Radno iskustveno na istim ili sličnim poslovima</li> <li>- Analitičan, precizan opis poslovne ideje</li> <li>- Spremnost na ulaganje u vlastiti biznis</li> </ul> <p><b><u>Kriterij za domaćinstva: (max 60 bodova)</u></b></p> <p><i>Ideja:</i></p> <ul style="list-style-type: none"> <li>a) Poljoprivreda, mehanizacija - 5</li> <li>b) Zanat - 10</li> <li>c) IT i srodne djelatnosti - 15</li> </ul> <p>- Objašnjenje ideje (detalji, bez nejasnih odgovora)</p> <ul style="list-style-type: none"> <li>a) Osnovno objašnjenje – 5</li> <li>b) Objašnjenje ideje (detalji, bez kratkih i nejasnih odgovora) – 10</li> <li>c) Dodatni detalji o marketingu i zaposlenju – 15</li> </ul> <p>- Mjesečni prihodi</p> <ul style="list-style-type: none"> <li>a) 0 – 150 KM – 15 bodova</li> <li>b) 150 – 250 KM – 10 bodova</li> <li>c) 250 i više KM – 5 bodova</li> </ul>	<p>5 x 4 = max. 20</p> <p>4 x 5 = max.20</p> <p>Max 15</p> <p>Max 15</p> <p>Max 15</p>	Prijavni obrazac

	<p>- Održivost (dugoročnije ostvarivanje prihoda i potencijalno širenje u budućnosti)</p> <p>a) Održivost (dugoročnije ostvarivanje prihoda i potencijalno širenje u budućnosti) – 5</p> <p>b) Moguće povećanje prihoda, ali bez zapošljavanja – 10</p> <p>c) Moguće povećanje prihoda i dodatna formalna zaposlenja - 15</p> <p><b><u>Kriterij za biznise: (max 60)</u></b></p> <p>- <i>Ideja:</i></p> <p>d) Poljoprivreda, stočarstvo - 2 boda</p> <p>e) Zanatstvo - 3 boda</p> <p>f) IT i srodne djelatnosti - 5 bodova</p> <p>- Objašnjenje ideje (detalji, bez nejasnih odgovora):</p> <p>a) Osnovno objašnjenje (odnosi se na postojeće kapacitete bez dodatnih detalja) – 2</p> <p>b) Detalji o poslovnim procesima (nabavka, tržište, dostupnost kupcima i potrošačima) – 3</p> <p>c) Dodatni detalji o marketing strategiji, postojećim načinima oglašavanja. Planirani budući načini reprezentacije – 5</p> <p>- <i>Prihodi:</i></p> <p>d) 0 – 1.000 KM – 5 bodova</p> <p>e) 1.000-5.000 – 3 boda</p> <p>f) 5.000 KM i više – 2 boda</p> <p>- <i>Zaposlenje:</i></p> <p>a) 1-3 zaposlenih, bez planova o daljem zapošljavanju – 2 boda</p> <p>Povećanje formalno zaposlenih za 1-5 uposlenih – 3 boda</p> <p>b) Veći broj uposlenih (iznad 5) sa planom za dalje formalno zapošljavanje – 5 bodova</p> <p>- <i>Prisutnost na tržištu:</i></p> <p>a) Nije pristutan, novoosnovan, start-up – 5 bodova</p> <p>b) Na domaćem tržištu – 3 boda</p> <p>c) Na domaćem, regionalnom i inostranom tržištu – 2 boda</p>	<p>Max 15</p> <p>Max 10</p> <p>Max 10</p> <p>Max 10</p> <p>Max 10</p>	
--	--	---	--

	<ul style="list-style-type: none"> <li>- Održivost:</li> <li>- a) Ne planira proširenje – 2 boda</li> <li>- b) Planira proširenje kapaciteta u pogledu opreme razvoja poslovanja – 3 boda</li> <li>- c) Planira proširenje izlaskom na druga tržišta – 5 bodova</li> </ul>	Max 10	
--	--	--------	--

### 4.3. Podrška pri unapređenju i registraciji biznisa

Učešće na obuci je obavezan kriterij za dobivanje dalje podrške. Svi kandidati koji uspješno prođu ciklus obuke će imati izrađen biznis plan kojim će aplicirati za dalju podršku. Podrška se sastoji od:

- grant sredstava i
- savjetodavne podrške

Principi prilikom definisanja kriterija bodovanja su:

a. sveobuhvatnost – bodovani su svi bitni elementi za projekat i jasno se preferiraju ranjive kategorije na tržištu rada i kvalitet biznis plana.

b. izbjegavanje uticaja ličnog mišljenja – kriteriji su jasno definisani da bi se izbjegao lični uticaj procjenitelja.

	KRITERIJI	BODOVI	IZVOR										
<b>Obavezni kriteriji</b>	<ul style="list-style-type: none"> <li>- Učešće na obuci i prisustvo na min 80% predavanja</li> <li>- Predat biznis plan – aplikacija za drugi krug</li> </ul>	-	Lista učesnika obuke										
<b>Posebni kriteriji</b>	Pripadnost nekoj od ciljnih kategorija: <ul style="list-style-type: none"> <li>- Nezaposlene žene, bez obzira na dob</li> <li>- Mlade nezaposlene osobe do 35 godina</li> <li>- Nezaposlene osobe sa invaliditetom</li> <li>- Domaćinstva sa jednim roditeljem, ili sa više od 1 nezaposlenog člana</li> <li>- Pripadnici nacionalnih manjina</li> </ul>	Max. 5 bodova	Prijavni obrazac i Biznis plan										
	Kvalitet biznis plana (detaljnije u tabeli ispod)*	Max. 65 bodova											
	Visina vlastitog učešća kandidata: <table style="margin-left: 20px;"> <tr> <td>20% ukupne investicije</td> <td>2</td> </tr> <tr> <td>20-30% ukupne investicije</td> <td>4</td> </tr> <tr> <td>30-40% ukupne investicije</td> <td>6</td> </tr> <tr> <td>40-50% ukupne investicije</td> <td>8</td> </tr> <tr> <td>50% i više</td> <td>10</td> </tr> </table>	20% ukupne investicije		2	20-30% ukupne investicije	4	30-40% ukupne investicije	6	40-50% ukupne investicije	8	50% i više	10	Max. 10 bodova
	20% ukupne investicije	2											
20-30% ukupne investicije	4												
30-40% ukupne investicije	6												
40-50% ukupne investicije	8												
50% i više	10												
Podrška razvoju deficitarnih sektora 10 bodova će se dodijeliti biznis idejama iz slijedećih sektora: <ul style="list-style-type: none"> <li>- Poljoprivreda/stočarstvo</li> <li>- Zanatstvo</li> <li>- IT i srodne djelatnosti</li> </ul>	Max. 10 bodova												





Opis kriterija KVALITET BIZNIS PLANA	Broj bodova
<p><b>Broj ljudi koji će biti formalno zaposleni zbog podrške sa ovim grantom</b></p> <p>Domaćinstva:                   1 novouposleni     = 3 boda   bez novouposlenih = 0 bodova</p> <p>Biznis:    ≥ 2 novouposlena     = 3 boda               ≥ 1 novouposleni     = 2 boda               bez novouposlenih = 0 bodova</p>	3 boda
<p><b>Mlada porodica ispod 35 godina starosti:</b></p> <p>DA = 2 boda                    NE = 0 bodova</p>	2 boda
<p><b>Domaćinstva sa jednim roditeljem</b></p> <p>Žena roditelj = 3 boda    Muškarac roditelj = 2 boda        NE = 0 bodova</p>	3 boda
<p><b>Nezaposleni članovi domaćinstva</b></p> <p>Svi nezaposleni = 5 bodova Jedna penzija     = 3 boda Jedna plata       = 1 bod Penzije/plate     = 0 bodova</p>	5 bodova
<p><b>Broj članova domaćinstva</b></p> <p>≥ 5 = 5 bodova ≥ 3 = 2 boda ≥ 1 = 0 bodova</p>	5 bodova
<p><b>Sadašnji total mjesečnih primanja u domaćinstvu</b></p> <p>≤ 250 BAM = 5 bodova ≤ 500 BAM = 3 boda ≤ 800 BAM = 0 bodova</p>	5 bodova
<p><b>Traženi iznos</b> (za organizacije):</p> <p>Manje od punog iznosa = 1 bod = puni iznos = 0 bodova</p>	1 bod

<b>Opis kriterija KVALITET BIZNIS PLANA</b>	<b>Broj bodova</b>
<p><b>Da li od djelatnosti zajednica ima koristi</b> (domaćinstva i otgancizacije):</p> <p>DA = 1 bod NE = 0 bodova</p>	1 bod
<p><b>Legalna / Oficijelna Registracija</b> (domaćinstva i organizacije):</p> <p>Registrovan Biznis = 5 bodova Registrovan RPG = 2 boda Sezonsko zapošljavanje = 1 bod Neregistrovan bussin. = 0 bodova</p>	5 bodova
<p><b>Namjera registracije</b> (domaćinstva i organizacije):</p> <p>Registracija biznisa = 3 boda Sezonsko zapošljavanje = 2 boda Registracija RPG = 1 bod</p>	3 boda
<p><b>Dokazano obezbijedeno tržište</b> (provjeriti vjerodostojnost):</p> <p>Za opis ciljanog tržišta i analizu, dodjeljuje se 5 bodova.</p> <p>DA = 5 bodova      NE = 0 bodova</p>	5 bodova
<p><b>Da li djelatnost pokriva niše</b> (domaćinstva i organizacije)</p> <p>Da = 2 boda      Ne = 0 bodova</p>	2 boda
<p><b>Da li djelatnost podržava ugrožene kategorije stanovništva</b> (domaćinstva i biznisi)</p> <p>Da = 2 boda      Ne = 0 bodova</p>	2 boda
<p><b>Dodatni bodovi od komisije</b> (treba objasniti):</p>	1 bod
<b>Ukupno</b>	<b>65 bodova</b>

Napomena: Svaki kriteriji se može ocjeniti i sa 0 bodova, ukoliko nije ispunjen navedeni minimum.

## 5. NAČIN DODJELE PODRŠKE

Ukupan fond raspoloživ za dodjelu grant sredstava iznosi 90.000,00 KM. (Grad Goražde i Caritas Švicarske u BiH po 45.000,00 KM)

Nakon završene obuke (predaje biznis planova), stručna komisija će izvršiti procjenu i bodovanje biznis planova koji će dobiti podršku. Broj osoba koje će dobiti podršku će zavisiti od ukupno dostupnih sredstava i traženih iznosa.

Komisija će sačiniti rang listu ocijenjenih biznis planova koja će biti objavljena na oglasnoj ploči gradske uprave i na zvaničnim internet stranicama Grada Goražde i Caritasa BiH.

Nezadovoljni korisnici imaju pravo na prigovor o kojem će odlučivati gradonačelnik.

Postupak nakon ocjene biznis ideja se sastoji u slijedećem:

### I. Potpis ugovora

Svi dobitnici podrške će potpisati ugovor kojim će se regulisati prava i obaveze donatora i korisnika.

### II. Novo upošljavanje

Korisnici koji su start up su obavezni izvršiti registraciju djelatnosti i izvršiti samoupošljavanje, odnosno postojeći biznisi će izvršiti zapošljavanje u skladu sa biznism planom.

Nakon realizacije upošljavanja korisnici će dostaviti dokaze

### III. Nabavka opreme

Grad Goražde će izvršiti nabavku opreme putem postupka javnih nabavki.

Postupak javnih nabavki će se provesti nakon što Caritas Švicarske u BiH prebaci svoj dio sredstava na račun gradske uprave.

Nakon provedenog postupka javnih nabavki, konsultovaće se korisnici koji u slučaju da oprema nabavljena putem javnih nabavki ne odgovara njihovim potrebama, mogu odustati od realizacije. U tom slučaju se pozivaju slijedeći sa liste ocijenjenih biznis planova.

### IV. Monitoring i savjetodavna podrška

Korisnicima će biti dostupna stručna podrška konsultanata za unaprijeđenje poslovanja u skladu sa potrebama.

## 6. VREMENSKI TOK

Aktivnost	2023. godina					
Objava javnog poziva za podršku poslovnim idejama	VII					
Promocija javnog poziva putem društvenih mreža i lokalnih medija	VII					
Prijem aplikacija za podršku razvoju poslovnih planova (I grupa)		VII i VIII				
Procjena pristiglih prijava			VIII			
Obuka „Pokreni svoj posao“				IX		
Procjena poslovnih planova				IX		
Prezentacija poslovnih planova od strane kandidata				IX		
Odabir najboljih poslovnih planova				IX		
Javni poziv za nabavku opreme					X	
Podjela opreme						X i XI
Monitoring	Tokom 2024. godine					

## 7. PRIMJENA I STUPANJENA SNAGU

Ovaj Pravilnik će se primjenjivati prilikom realizacije projekta „Socio-ekonomska održivost i podrška lokalnom stanovništvu Gornje-drinske regije 2019-2024 SELLS“ koji Grad Goražde provodi u saradnji sa humanitarnom organizacijom Caritas Švicarske u Bosni i Hercegovini.

Pravilnik stupa na snagu danom donošenja.

**GRADONAČELNIK**

**Ernest Imamović**